



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DLIII. ad annum DLXXVII.

Parisiis, 1644

Tituli Capitvm.

urn:nbn:de:hbz:466:1-15324

ANNO CHRISTI 553. sensit. Quamobrem episcopatu exutus, ByZantium se recepit, & terre-
motu absorptus est & defossus, &c. Vide Baronium ann. 553. num. 248.

CONCILIVM AQVILEIENSE
CONTRA QVINTAM SYNODVM
coactum anno Domini D LIII.

N O T A.

^a *Concilium.*] Cum occidentales episcopi interpretarentur damnationem trium capitulorum in quinta Synodo factam, contigisse in odium Calchedonensis Concilii, facto Concilio Aquileiensi (in locis enim imperii id per edictum Iustiniani, defensores trium capitulorum persequuntis, non licebat) quintam Synodum respudam esse decreuerunt, seque ab unione ecclesiae catholicae segregarunt, atque in eodem schismate usque ad tempora Sergii papae per annos fere centum perseuerarunt. Hæc breuiter & summatim describit Beda libro de sex ætatibus, his verbis: *Synodus Aquileia facta ob imperitiam fidei quintum uniuersale Concilium suscipere diffidit, donec salutaribus beati papa Sergii monitis instructa, & ipsa huic cum ceteris ecclesiis annuere consentit.* De hac eadem Synodo in vita Sergii haec Platina: *Ecclesiam Aquileiensem, quintam Synodum non omnino approbantem, ad sanitatem doctrinae & auctoritate sua tandem perduxit.* Vide Baronium anno 553. num. 222.

B R E V I A R I V M C A V S Æ
NESTORIANORVM ET EV TYCHIANORVM,
collectum a sancto Liberato archidiacono ecclesie
Carthaginensis regionis sextæ.

TITVL CI CAPITVM.

- | | |
|--|---|
| I. Proæmium. | Constantinopolitani episcopi. |
| II. De Paulo Samosateno, & quod auctor sit Nestoriana heres. | VIII. De pace Cyrilli & Ioannis. |
| III. De Apollinario, & quod auctor sit Nestoriana heres. | IX. De Cyrilli epistolis pro orientalibus episcopis scriptis. |
| IV. De Nestorii ordinatione, & eius heresi. | X. De Nestorianorum scandalo, & monachis Arianorum. |
| V. De Synodo Ephesina prima, & Nestorii damnatione. | XI. De Eutychie presbytero & *Egumeno, & eius heresi, eiusque damnatione. |
| VI. De discordia Cyrilli Alexandri & Ioannis Antiocheni. | XII. De Synodo Ephesina secunda, & Flauiani morte. |
| VII. De ordinatione Maximini | XIII. De Synodo Calchedonensi, |

Iii iii

* f. archimædrita.

- & damnatione Dioscori.
 XIV. De exilio Dioscori, & ordinatione Proterii Alexandrini episcopi.
 XV. De ordinatione Timothei Eluri, & morte Proterii.
 XVI. De ordinatione Timothei catholici, & Petri heretici.
 XVII. De ordinatione Ioannis catholici, & damnatione Acacii.
 XVIII. De episcopis Alexadrinis.
- XIX. De Seuero, Juliano, ac Macedonio.
 XX. De Gaiano, & Theodosio.
 XXI. De Agapeto papa, & Anthimo Constantinopolitano episcopo.
 XXII. De Siluerio & Vigilio.
 XXIII. De Paulo Alexandrino episcopo, & monachis Hierosolymorum.
 XXIV. De Pelagio & Theodore Cappadocia.

PRO OEM IV M.

I.

PEREGRINATIONIS necessitatibus defatigatus, & aliquatenus feriatus animo a curis temporalibus, duarum hæresum, hoc est, Nestorianorum & Eutychianorum, ex ecclesiastica historia nuper de Græco in Latinum translata, & ex gestis synodalibus, vel sanctorum patrum epistolis hoc breuiarium collegi, nectens temporum curricula illa quæ in Græco Alexandriæ scripto accepi, vel grauissimorum hominum didici narratione fidei. Quod faciens pro mea eruditione & responsione contra falsiloquos vtrarumque partium sectatores, qui consueto studio aliter loquuntur de suis auctoribus, quam veritas habet, libenter offero catholicis fratribus ignorantibus acta ipsarum hæresum, & legere volentibus.

De Paulo Samosateno, & quod auctor sit Nestorianæ hæresis.

CAPVT II.

IGTVR Nestoriani dogmatis auctor, vt multi volunt, Paulus agnoscitur Samosatenus episcopus, qui secutus doctrinam antiquorum hæreticorum, Dominum nostrum Iesum Christum purum hominem afferuit natum & passum. De sancta vero & summe beata Trinitate, vt Græci tradunt, Sabellii sententiam secutus est. Et propterea dicunt Nicænum statuisse Concilium, Paulianos omnino baptizandos, ponentes differentiam inter Pauli Nestoriique doctrinam, eo quod Nestorius confundens existentiam diuinitatis Filii Dei, Christum purum hominem tradidit conceptum atque formatum, & postea